



SIARAN AKHBAR
UNTUK SIARAN SEGERA

MAJLIS IFTAR RAMADAN NGC ENERGY BERSAMA KOMUNITI YANG DISAYANGI

KUALA LUMPUR, 17 Julai 2013 – NGC Energy Sdn Bhd dengan kerjasama strategik Majlis AIDS Malaysia (MAM) telah menganjurkan Majlis Iftar Ramadhan NGC Energy bersama Komuniti Yang Disayangi 2013 pada 8 Ramadan 1434H bersamaan dengan 17 Julai 2013 bertempat di Kuala Lumpur Golf & Country Club (KLGCC). Majlis ini merupakan kesinambungan kepada tradisi sambutan Ramadhan bersama komuniti yang menjadi acara tahunan dalam takwim Majlis AIDS Malaysia. Perasmian Majlis ini telah disempurnakan oleh Pengurus Besar NGC Energy Sdn Bhd, Puan Julianna Kamaruddin sambil disaksikan oleh Presiden MAM, Datuk Dr Raj Karim dan tetamu-tetamu jemputan dari agensi-agensi kerajaan.

Objektif utama majlis ini dianjurkan adalah meraikan golongan komuniti terpinggir dan kanak-kanak yang kurang berkemampuan bagi meringankan beban mereka dalam persediaan untuk menyambut kehadiran bulan Syawal dengan lebih bermakna.

Seramai 50 orang tetamu istimewa yang terdiri daripada kanak-kanak yang hidup dan terjejas dengan HIV telah diraikan dalam majlis ini dan telah menerima sumbangan duit raya daripada NGC Energy.

(Quote dari NGC Energy)

“ Sokongan dan sumbangan yang telah di berikan oleh NGC Energy seumpama ini sememangnya wajar diangkat sebagai contoh cemerlang yang harus diteladani oleh warga-warga korporat tempatan dan antarabangsa yang lain untuk sama-sama membela nasib dan menjaga kebajikan anggota komuniti yang kurang bernasib baik and meningkatkan kualiti kehidupan anggota komuniti terpinggir ini, “ ulas Datuk Dr Raj Karim mengenai penganjuran majlis berkenaan.

Dalam majlis yang sama NGC Energy turut menyampaikan cek sumbangan berjumlah RM5K kepada Yayasan AIDS Malaysia.

Majlis iftar Ramadhan ini dimeriahkan lagi dengan kehadiran selebriti-selebriti Sokongan Riben Merah, Majlis AIDS Malaysia iaitu Faizal Tahir, Bob Yusof dan.... yang turut berkongsi masa untuk bermesra dengan kanak-kanak dan para jemputan yang hadir.

TENTANG MAJLIS AIDS MALAYSIA



SIARAN AKHBAR UNTUK SIARAN SEGERA

Majlis AIDS Malaysia (MAM) ditubuhkan pada tahun 1992 sebagai organisasi 'payung' yang bertanggungjawab untuk menyokong dan menyelaraskan usaha-usaha organisasi bukan kerajaan (NGO) yang berkerja di lapangan HIV dan AIDS. MAM menjalinkan kerjasama dengan agensi-agensi kerajaan, sektor swasta dan pertubuhan-pertubuhan antarabangsa, untuk memastikan respon terhadap epidemik HIV dan AIDS oleh NGO adalah komited dan efektif. Selain melaksanakan program pencegahan, rawatan, jagaan dan sokong bantu HIV di seluruh negara, MAM dan Ahli-Ahli Gabungan bertindak mewakili suara komuniti-komuniti yang terjejas oleh HIV/AIDS. Layari www.mac.org.my untuk keterangan lanjut.

TENTANG NGC ENERGY SDN BHD

NGC Energy Sdn Bhd telah ditubuhkan pada 8 November 2012 setelah aset dan bisnes Shell Gas (LPG) diambil alih oleh National Gas Company SAOG (NGC), sebuah syarikat yang berpangkalan di Oman dan Kumpulan Peransang Selangor, syarikat tempatan yang terlibat dalam pembinaan infrastruktur, utiliti dan perkhidmatan pengurusan. Nisbah pegangan NGC dan Kumpulan Peransang Selangor dalam perkongsian ini adalah pada kadar 60:40. NGC Energy Sdn Bhd akan mewarisi tong-tong silinder gas LPG berwarna kuning milik Shell yang sememangnya telah dikenali ramai semenjak 40 tahun dahulu, di mana tong-tong silinder gas ini akan mula diperdagangkan di bawah jenama Mira Gas. NGC Energy Sdn Bhd berazam untuk membina nama sebagai sebuah syarikat pengedar gas yang menggunakan teknologi dan inovasi terkini yang diaplikasikan daripada operasi mereka di Timur Tengah. Untuk maklumat lanjut hubungi www.ngcenergy.com

UNTUK PERTANYAAN MEDIA, HUBUNGI JABATAN MEDIA & KOMUNIKASI – MAJLIS AIDS MALAYSIA

Zaki Arzmi	+6016-2922948	zaki@mac.org.my
Ameera Abi	+6016-4146400	meera@mac.org.my